

B. N. C.  
FIRENZE  
1036  
5



NT  
PLATE

1997

7



4086.5



*Porus Lucatellus delin.**B. Fierat Sculp.*





**B. STANISLAO KOSKA**  
**E' SOCIETATE JESU,**  
**Poloniæ à Barbaris Hostibus**  
**FORTISSIMO PROPUGNATORE,**  
**AUSPICE, AC VINDICE**  
**HAS THESES PHILOSOPHICAS**

*à falsitate vindicatas*

*VERITATI ASSERTIT*

*EJUSDEM BEATI ADDICTISSIMUS CLIENS*  
*JO. ANTONIUS PHILIPPUS LANCELOTTI FLOR.*



# ALCOHOLIC BEVERAGES

FROM THE COLLECTION OF THE  
BIBLIOTHEQUE NATIONALE

DE LA VILLE DE PARIS  
1881

PARIS: IMPRIMERIE  
NATIONALE

50, RUE DE LA HARPE  
1881

10365



3

I.H.S.

# CONCLUSIONES PHILOSOPHICÆ.

## EX PROEMIALIBUS LOGICÆ.

### I.

**D**atur Logica artificialis, hoc est, habitus studio, & exercitatione acquisitus per regulas certas, & infallibiles operationum nostri intellectus, & est ad alias scientias totales acquirendas solum moraliter necessaria: Est virtus intellectualis secundum partem analyticam, topicam, & sophisticam; est vera scientia simpliciter, & adæquatè practica; Benè dividitur in docentem, & utentem, prima est quæ dat præcepta, quasi in abstracto definiendi, syllogizzandi, &c., secunda est quæ per sua præcepta actu dirigit operationes intellectus; Habitus autem Logicæ docentis, & habitus Logicæ utentis non realiter, sed per intellectum solum distinguuntur.

### I I.

Suppositis variis objecti acceptionibus, & divisionibus, objectum materiale Logicæ non sunt voces neque res omnes, neque intellectus, itaut objectum attributionis sit, vel voces rectè dispositæ, vel res rectè cognitæ, vel intellectus rectè intelligens; sed objectum materiale sunt operationes intellectus, quatenus dirigibiles, objectum formale est ipsa recti-

tudo, & operatio recta est objectum attributionis, & licet objectum adæquatum Logicæ sint omnes tres operationes, asserimus tamen objectum principale Logicę Aristotelicę esse syllogismum demonstrativum.

### III.

Ens rationis Logicum ut esse cognitum; esse genus, &c., & universim omnes secundæ intentiones Logicæ non constituuntur formaliter per aliquam relationem fictam, neque per aliquod Ens diminutum, & abusivum, sed sunt denominationes extrinsecæ reales provenientes à formis realibus, scilicet cognitionibus taliter, vel taliter tendentibus in objecta. Ens rationis Methaphysicum est illud, quod tantum habet esse obiectivè in intellectu; Potest tam intellectus creatus, quàm increatus cognoscere objectum impossibile, adeoque tam Deus, quàm Creatura potest facere ens rationis, tam per actum negativum, quàm affirmativum.

## DE UNIVERSALIBUS, ET PRÆDICAMENTIS.

### IV.

**U**Num in concreto est indivisum in se, & divisum à quolibet alio, in abstracto verò, seu unitas, est negatio divisionis in se; Identitas realis est summa extremorum unitas, qua major dari non potest, dicens ipsorum consensum, in omnibus perfectionibus cum mutua affirmabilitate in recto; Distinctio est vera extremorum de se invicem negabilitas in recto, seu est negatio identitatis unius cum alio. Inter gradus methaphysicos ejusdem individui realiter identificados nulla datur distinctio media, quæ a Scotistis vocatur formalis ex natura rei; Negamus etiam in creaturis omnem distinctionem virtualem, vel sit intrinseca, vel extrinseca, quæ

quæ sit capacitas ex parte objecti ad sustinenda prædicata  
contradictoria, solum igitur agnoscimus inter prædictos gra-  
dus distinctionem rationis ratiocinatæ; Hinc negamus præ-  
cisionem objectivam.

## V.

Universale Methaphysicum est unum aptum esse in mul-  
tis, non datur à parte rei neque in singularibus, neque extra  
singularia, neque in Idæis Platoniciis, sed solum in intellectu  
creato, à quo solo fit per cognitionem directam, & præcisi-  
vam non objectivè, sed formaliter. Universale Logicum est  
unum aptum prædicari de pluribus, in ipsa actuali prædica-  
tione retinet universalitatem. Rectè dividitur in quinque  
quasi species, quæ sunt Genus, Species, Differentia, Pro-  
prium, & Accidens; hæc quinque prædicabilia benè defini-  
untur solitis definitionibus. Genus ut habeat rationem præ-  
dicabilis requirit plures species saltem possibiles, prædicatur  
de suis inferioribus per modum totius potestativi, & habet  
rationem partis actualis componentis unà cum differentia,  
speciem. Individuum est quod de uno tantum prædicatur;  
Potest abstrahi ratio communis ab omnibus individuis in  
particulari.

## VI.

Ens reale creatum dividitur in decem prædicamenta, quæ  
sunt Substantia, Quantitas, Qualitas, Relatio, Actio, Pas-  
sio, Quando, Ubi, Situs, Habitus; Substantiæ conceptus  
benè explicatur per hoc, quod sit principium per se subsisten-  
di, & aliis substandi; Dividitur in primam, & secundam,  
hoc est, in singularem, & universalem; Summum genus in  
prædicamento Substantiæ est substantia completa, & finita,  
adèoque excluditur Deus ab hoc prædicamento. Relatio  
prædicamentalis non consistit in solo fundamento, nec in so-  
la ratione fundandi, nec est Entitas modalis distincta à fun-

6  
damento, termino, & ratione fundandi, sed constituitur formaliter per utrumque extremum, posita ratione fundandi. Non datur adæquatè relatio ad terminum non existentem. Præter possibilitatem extrinsecam rerum possibilium, desumptam ab Omnipotentia Divina, datur possibilitas intrinseca, Idem dicimus de impossibilitate rerum impossibiliu.

## EX LIBRIS PERHIERMENIAS.

### VII.

**V**Oces significant primariò; & immediatè res, secundariò verò, & mediatè conceptus; Veritas formalis est conformitas cognitionis cum objecto sicuti est in se; Datur solùm in actibus judicativis, non reperitur ergo in rebus, neque in sensibus, neque in simplici apprehensione, in quibus tantùm reperitur Veritas materialis, & radicalis; Veritas formalis non suscipit magis, & minus, licet suscipiat falsitas, adeòque una propositio licèt non possit alia verior esse, potest tamen esse falsior. Non est adæquatè intrinseca actui vero; Ex duabus propositionibus contradictoriis de futuro contingenti tàm absoluto, quàm conditionato altera est determinatè vera, & altera determinatè falsa, etiam præscindendo à Divina Scientia, & Divino Decreto; Actus semel verus non potest transire in falsum, nec è contrario.

## EX LIBRIS PRIORUM, ET POSTER.

### VIII.

**D**iscursus est progressus intellectus ab una notitia in alià, hinc sequitur ad rationem discursus requiri pluralitatem notitiarum, itaut una notitia ex alia inferatur. Discursus includit essentialiter, non solùm Conclusionem, sed etiam præmissas; Syllogismus est Oratio, in qua quibusdam positis aliud quid à positis necesse est contingere, eo quod hæc sint.

7

sint. Vis syllogistica fundatur in illis principiis: Dictum de omni; & dictum de nullo. Positis præmissis, quibus intellectus assensum præstitit, necessitatur ad assensum Conclusionis, tum quoad specificationem, tum quoad exercitium; Demonstratio est syllogismus faciens scire, alia est à priori, alia à posteriori; Demonstratio à priori procedit ex veris, primis, immediatis, & notioribus, causisque Conclusionis; Datur scientia de novo, quæ non est pura reminiscencia; & definitur cognitio certa, & evidens demonstrans de suo objecto proprietates per certas demonstrationes. Dividitur in practicam, & speculativam, quæ diversitas desumitur ex fine utriusque; Potest in eodem intellectu stare simul actus veræ scientiæ, opinionis, & fidei cum divinæ, tum humanæ circa idem objectum materiale.

## EX PHYSICIS.

### I.

**P**HYSICA, quæ est vera Scientia speculativa habet pro objecto attributionis Corpus naturale, ut naturale.

Principia intrinseca Corporis naturalis sunt illa, quæ neque ex aliis, neque ex alterutris, sed ex his omnia fiunt; in fieri Corporis naturalis sunt tria, scilicet Materia, Forma, & ejus Privatio, in facto esse vero sunt duo, Materia nimirum, & Forma; Materia prima, quæ est Substantia incompleta definitur positivè, & negativè; positivè sic: Est primum subjectum uniuscujusque ex quo fit aliquid, cum inlit, non secundum accidens, & si aliquid corrumpitur in hoc abibit ultimum; negativè definitur: quod per se ipsam neque est quid, neque quantum, neque quale, neque aliquid aliud, neque negationes horum; sed id, de quo omnia prædicantur; Est ingenerabilis, & incorruptibilis, est pura potentia physica, non methaphysica, quia includit actum entitativum, habet propriam existentiam, per quam saltem inadæquatè

exi-

existit , præscindendo ab existentia formæ ; & licet Materia prima non possit naturaliter existere spoliata omni forma substantiali , supernaturaliter tamen potest . Appetit appetitu innato omnes formas , non quidem appetitu similitatis , sed similitate appetitus ; hic appetitus est indistinctus ab ipsa materia , est appetitus æqualis ad formas inæquales . Necessitas materiæ primæ colligitur ex conceptu quidditativo transmutationis substantialis , & ex universalissima inductione in cæteris mutationibus tum naturalibus , tum artificialibus . Essentia in rebus creatis non distinguitur realiter ab existentia earundem .

## II.

Forma substantialis definitur communiter : ratio ipsius quod quid erat esse rei ; formæ materiales educuntur de potentia materiæ ; Formæ Spirituales sicut non sustentantur à materia , ita neque in illius potentia continentur , nec ex illa educuntur , sed creantur à Deo . Forma licet sit pars principalior Compositi , tamen non est tota illius quidditas . In eodem vivente non dantur simul præter formam totalem aliæ formæ , vel corporeitatis , vel partiales , adeoque caro , os , cor , &c. , solum materialitèr , & non formalitèr differunt . Phœtus humanus ubi primum animatur , animatur animâ rationali , adeoque in eodem vivente neque datur successio animarum , neque plures animæ simul . Privatio formæ subsequens est principium per se fieri corporis naturalis , negationes propriè loquendo nihil sunt in esse rei , & extra intellectum ; Compositum præter materiam , & formam includit unionem , quæ necit utrumque extremum ; hæc unio est modus substantialis superadditus materiæ , & formæ essentialiter requisitus ad constituendum unum compositum , in quo unica tantum datur unio recepta in Materia . Non distinguitur realiter compositum à suis partibus collectivè sumptis .

Na-

## III.

Natura definitur : principium , & causa motus , & quietis ejus , in quo est primo , & per se , & non secundum accidens ; Ars dicitur Naturæ imitatrix , quia applicando activa passivis producere potest plures effectus naturales ; Ars Chymica directivè concurrens , verum aurum efficiens , repugnat moralitèr , non physicè . Causa est principium determinans cum virtute adesse aliquid , alia est materialis , alia formalis , alia efficiens , & alia finalis . Negamus in Causis efficientibus mutuatam Causalitatem , & admittimus posse supernaturaliter eundem numero effectum pendere à duplici Causa totali . Actio , quæ definitur actus hujus ab hoc non distinguitur realitèr à passione , quæ definitur : actus hujus in hoc : probabilius est actionem recipi in passo . Causa finalis est illa , cujus est illa , cujus gratia cætera fiunt ; Virtus Causæ finalis est sola bonitas apprehensa vera , vel apparens ipsius finis . Sola agentia intellectualia agunt formalitèr propter finem .

## IV.

Deus immediatè , & necessariò concurrir ad omnes , & singulos effectus causarum secundarum ; Hic concursus Dei non est physica prædeterminatio , quæ multiplici ex capite repugnat , & præsertim ex eo , quod non cohzreat cum libero arbitrio , & repugnet potentiz resistendi , & dissentendi , faciatque Deum authorem peccati ( quæ tamen non censoriè diciuntur , sed illativè ) ad quod Deus nullo modo prædeterminat voluntatem creatam ; etiamsi peccatum consideretur secundum esse materiale ; Per hoc tamen non negamus , imò asserimus Deum prædefinire actus bonos creature ; Est igitur concursus Dei in actu primo cum causis secundis exhibitio Omnipotentiz indifferentis ; In actu verò secundo est ipsa actio , qua Deus , & creatura indivisibiliter agunt .

\* F I N I S . \*



Disputabuntur publicè Florentiæ in Tem-  
plo Soc. Jesu S. Joannis Evangelistæ ab  
Jo. Antonio Philippo Lancellotti Flor.  
Anno 1704. Mense Die

---

FLORENTIÆ

---

Apud Michaellem Nestenium. *Superiorum permissu.*



1704. 90.557225



He

